

四庫全書

史部

欽定四庫全書

班馬異同卷二十七

宋 倪思 編

司馬相如傳下

漢書五十七

相如為郎數歲會唐蒙使畧通夜郎西犍中發巴蜀吏卒千人郡又多為發轉漕萬餘人用軍興法誅其渠帥率巴蜀民大驚恐上聞之乃使遣相如責唐蒙等因喻告巴蜀民以非上意檄曰告巴蜀太守蠻夷自擅不討

之日久矣時侵犯邊境勞士大夫陛下即位存撫天下
輯集安中國然後興師出兵北征匈奴單于怖駭交臂
受事詘屈膝請和康居西域重譯請朝納貢稽首來享
移師東指閩越相誅右弔番禺太子入朝南夷之君西
夷之長常效貢職不敢怠墮情急延頸舉踵喁喁然皆
爭歸鄉風慕義欲為臣妾道里遼遠山川阻深不能自
致夫不順者已誅而為善者未賞故遣中郎將往賓之
發巴蜀之士民各五百人以奉幣帛衛使者不然靡有

兵革之事戰鬪之患今聞其乃發軍興制驚懼子弟憂
患長老郡又擅為轉粟運輸皆非陛下之意也當行者
或亡逃自賊殺亦非人臣之節也夫邊郡之士聞烽燧
舉燧燔皆攝弓而馳荷兵而走流汗相屬惟恐居後觸
白刃冒流矢義議不反顧計不旋踵人懷怒心如報私
讐彼豈樂死惡生非編列之民而與巴蜀異主哉計深
慮遠急國家之難而樂盡人臣之道也故有剖符之封
析珪而爵位為通侯居列東第終則遺顯號於後世傳

土地於子孫事行事甚忠敬居位甚安佚名聲施於無窮功列著而不滅是以賢人君子肝腦塗中原膏液潤野草塹少而不辭也今奉幣役使至南夷即自賊殺或亡逃抵誅身死無名謚為至愚恥及父母為天下笑人之度量相越豈不遠哉然此非獨行者之罪也父兄之教不先子弟之率不謹也寡廉鮮恥而俗不長厚也其被刑戮不亦宜乎陛下患使者有司之若彼悼不肖愚民之如此故遣信使曉諭百姓以發卒之事因數之

以不忠死亡之罪讓三老孝弟以不教誨之過責方今
田時重煩百姓已親見近縣恐遠所谿谷山澤之民不
徧聞檄到亟下縣道使咸知諭陛下之意唯毋忽也相
如還報唐蒙已畧通夜郎因通西南夷道發巴蜀廣漢
卒作者數萬人治道二歲道不成士卒多物故費以巨
億萬計蜀民及漢用事者多言其不便時邛笮之君
長聞南夷與漢通得賞賜多多欲願為內臣妾請吏比
南夷天子上問相如相如曰邛笮冉駹者近蜀道亦易

通秦興時嘗通為郡縣矣至漢興而罷今誠復通為置郡縣愈於南夷天子上以為然乃拜相如為中郎將建節往使副使者王然于壺覓國呂越人馳四乘之傳因巴蜀吏幣物以賂西南夷至蜀蜀太守以下郊迎縣令負弩矢先驅蜀人以為寵於是卓王孫臨邛諸公皆因門下獻牛酒以交驩卓王孫喟然而嘆自以得使女尚司馬長卿晚而乃厚分與其女財與男等同司馬長卿相如使便畧定西南夷邛笮冉駹斯榆之君皆請為內

臣妾除邊關邊關益斥西至沫若水南至牂牁柯柯為徼
通零關靈山道橋孫水以通邛都一作還報天子天子大
說相如使時蜀長老多言通西南夷之不為用唯大臣
亦以為然相如欲諫業已建之不敢乃著書籍以蜀父
老為辭而已詰難之以風天子且因宣其使指令百姓
皆知天子之意其辭曰漢興七十有八載德茂存乎六
世威武紛紜云湛恩汪濊羣生澍濡洋溢乎方外
於是乃命使西征隨流而攘風之所被罔不披靡因朝

再從駢定符存邛畧斯榆舉苞滿蒲結軌還轅東鄉將
報至于蜀都者老大夫薦搢紳先生之徒二十有七人
儼然造焉辭畢因進曰蓋聞天子之於夷狄也其義羈
縻勿絕而已今罷三郡之士通夜郎之塗三年於茲而
功不竟士卒勞倦萬民不贍今又接之以西夷百姓力
屈恐不能卒業此亦使者之累也竊為左右患之且夫
邛笮西犍之與中國並也歷年茲多不可記已仁者不
以德來彊者不以力并意者其殆不可乎今割齊民以

附夷狄弊所恃以事無用鄙人固陋不識所謂使者曰
烏謂此邪乎必若所云則是蜀不變服而巴不化俗也
余僕尚惡聞若說然斯事體大固非觀者之所觀也余
之行急其詳不可得聞已請為大夫麤陳其畧蓋世必
有非常之人然後有非常之事有非常之事然後有非
常之功非常者固常人之所異也故曰非常之原元黎
民懼焉及臻厥成天下晏如也昔者鴻水淳沸出汜濫
衍溢民人登升降降移徙倚阻倚嶇而不安夏后氏戚之

乃堙鴻水洪原決江疏河漉灑沈贍澹菑災東歸之於
海而天下永寧當斯之勤豈惟民哉心煩於慮而身親
其勞躬餓餓胼胝無腠膚不生毛故休烈顯乎無窮聲稱
浹乎于茲且夫賢君之踐位也豈特委瑣握臨拘文牽
俗循誦習傳當世取說云爾哉必將崇論閎議創業
垂統為萬世規故馳騫乎兼容并包而勤思乎參天貳
地且詩不云乎普天之下莫非王土率土之濱莫非王
臣是以六合之內八方之外浸潤淫衍溢懷生之物有

不浸潤於澤者賢君耻之今封疆之內冠帶之倫咸獲
嘉祉靡有關遺矣而夷狄殊俗之國遼絕異黨之地域
舟輿車不通人迹罕至政教未加流風猶微內之則犯
義侵禮於邊境外之則邪行橫作放弑殺其上君臣易
位尊卑失序父兄不辜幼孤為奴虜係累累號泣內嚮
鄉而怨曰蓋聞中國有至仁焉德洋而恩普物靡不得
其所今獨曷為遺已舉踵思慕若枯旱之望雨盤夫為
之垂涕況乎上聖又惡烏能已故北出師以討彊胡南

馳使以誚勁越四面風德二方之君鱗集仰流願得受
號者以億計故乃闕沫若徼牂牁柯鏤零靈山梁孫原
創道德之塗垂仁義之統將博恩廣施遠撫長駕使疏
逖不閉阻深智與闇昧得耀乎光明以偃甲兵於此而
息討誅伐於彼遐邇一體中外提提福不亦康乎夫拯
民於沉溺奉至尊之休德反衰世之陵遲夷繼周氏之
絕業斯乃天子之急務也百姓雖勞又惡烏可以已哉
且夫王者事固未有不始於憂勤而終於佚樂者也然

則受命之符合在於此矣。方將增泰太山之封，加梁父之事，鳴和鸞，揚樂頌，上咸五，下登三，觀者未睹，指聽者未聞。音猶鶴鳴，焦朋已翔乎寥廓，而羅者猶視乎藪澤。悲夫！於是諸大夫芒然喪其所懷，來而失厥所以進。喟然並稱曰：允哉！漢德，此鄙人之所願聞也。百姓雖急，勞請以身先之。敝罔靡徙，因遷延而辭避。其後人有上書言相如使時受金失官，居歲餘復召為郎，相如口吃而善著書，常有消渴疾，病與卓氏婚，饒於財，故其進仕。

事官未嘗肯與公卿國家之事常稱病疾閒居不慕官爵常從上至長楊獵是時天子方好自擊熊羆馳逐野豭獸相如因上疏諫之其辭曰臣聞物有同類而殊能者故力稱烏獲捷言慶忌勇期賁育臣之愚竊以為人誠有之獸亦宜然今陛下好陵阻險射猛獸卒然遇軼逸材之獸駭不存之地犯屬車之清塵輿不及還轅人不暇施巧雖有烏獲逢蒙之伎力不得用枯木朽株盡為害難矣是胡越起於轂下而羌夷接軫也豈不殆

哉雖萬全而無患然本非天子之所宜近也且夫清道而後行中路而後馳猶時有銜橛之變而況乎涉乎蓬蒿豐草馳騁乎丘墳虛前有利獸之樂而內無存變之意其為禍害也不亦難矣夫輕萬乘之重不以為安而樂出於萬有一危之塗以為娛臣竊為陛下不取也蓋明者遠見於未萌而智者避危於無形禍固多藏於隱微而發於人之所忽者也故鄙諺曰家累千金者坐不垂堂此言雖小可以喻論大臣願陛下之留意幸察

上善之還過宜春宮相如奏賦以哀二世行失也其辭
曰登陂陀之長阪兮坐入曾宮之嵯峨我臨曲江之隍州
兮望南山之參差巖巖深山之磴磴兮通谷豁兮豁闌
砢汨減翳習輟以永逝兮注平阜之廣衍觀衆樹之塢
蓊蔓兮覽竹林之榛榛東馳土山兮北揭石瀨彌弭節
容與兮歷弔二世持身不謹兮亡國失勢信讒不寤兮
宗廟滅絕嗚呼烏乎哀哉操行之不得兮墳墓蕪穢而
不修兮魂無亡歸而不食夤邐絕而不齊兮彌久遠而

愈侏精罔閭而飛揚兮拾九天而永逝嗚呼哀哉相如
拜為孝文園令天子上既美子虛之事相如見上好僊
道因曰上林之事未足美也尚有靡者臣嘗為大人賦
未就請具而奏之相如以為列僊之傳儒居山澤間形
容甚臞此非帝王之僊意也乃遂就奏大人賦其辭曰
世有大人兮在于乎中州宅彌萬里兮曾不足以少留
悲世俗之迫隘兮竭輕舉而遠遊垂乘絳幡之素蜺兮
載雲氣而上浮建格澤之長修竿兮總光耀之采旄垂

旬始以為慘兮。批曳彗星而為髻。掉指橋以偃蹇。蹇兮。
又旖旎倚扼以招搖。攬欖槍以為旌兮。靡屈虹而為綢。
紅杏渺渺以眩兮。湣兮。焱風涌而雲浮。駕應龍象輿之。
螭畧逶麗兮。驂赤螭青蚪。虬之蚺螭。蟠蜿蜒低叩天。
蟠据裾以驕驚兮。詘折隆窮躍以連卷。沛艾赴蟻。佗以。
佗儼兮。放散畔岸。驤以屏顏。踣躡轄。蟠容以委。翫麗。
兮。綢繆。蜎蜎偃蹇。蹇。蹇。怵。怵。以梁倚。糾蓼叶。弄。躡。踏。以般。
腹路兮。茂蒙踊躍。騰而狂。趨。趨。莅。蠲。卉。卉。翕。歛。燦。燦。至。

電過兮煥然霧除霍然雲消邪絕少陽而登太陰兮與
真人乎相求互折窈窕以右轉兮橫厲飛泉以正東悉
徵靈圉而選之兮部乘署衆神於瑤光使五帝先導兮
反太一壹而從陵陽左玄冥而右含黔靈兮前陸長離
而後濶湟商皇廝征伯僑而役羨門兮屬詔岐伯使尚
方祝融驚警而蹕御兮清靈氣氣而後行屯余車其而
萬乘兮絳雲蓋而樹華旗使勾芒其將行兮吾欲往乎
南嬉娛歷唐堯於崇山兮過虞舜於九疑紛湛湛其差

錯兮雜還膠葛輻以方馳騷擾衝蕘其相紛拏兮滂濞
決軋灑麗以林離鑽攢羅列聚叢以龍茸兮衍曼流爛
壇彥以陸離徑入雷室之硤磷鬱律兮洞出鬼谷之
崑崙嵬礧歲魁徧覽八紘而觀四荒海兮竭渡九江
而越五河經營炎火而浮弱水兮杭絕浮渚而涉流沙
奄息總總極汜濫水嬉娛兮使靈媧鼓瑟琴而舞馮夷
時若蔓蔓曖曖將混濁兮召屏翳誅風伯而刑雨師西
望崑崙之軋沕沕荒忽兮直徑馳乎三危排閭闔而入

帝宮兮載玉女而與之歸舒登閭風而搖遙集兮亢烏
騰而一壺止低回陰山翔以紆曲兮吾乃今日睹西
王母矐然白首戴勝而穴處兮亦幸有三足烏為之
使必長生若此而不死兮雖濟萬世不足以喜回車揭
來兮絕道不周會食幽都呼吸沆瀣兮殮朝霞兮噍咀
芝英兮噉瓊華媮侵潏僂褻尋而高縱兮紛鴻涌溶而
上厲貫列缺之倒景兮涉豐隆之滂沛凜馳騁游道而
循脩降兮驚遺霧而遠逝迫區中之隘陝兮舒節出乎

北垠遺屯騎於玄闕兮軼先驅於寒門下崢嶸而無地
兮上寥廓而無天視眩眠泯而無亡見兮聽愴恍敞
恍而無亡聞垂虛無亡而上假遐兮超無友而獨存相
如既奏大人之頌賦天子大說飄飄有凌陵雲之氣似
遊天地之間意相如既病免家居茂陵天子曰司馬相
如病甚可往從悉取其書若不然後失之矣使所忠往
而相如已死家無遺書問其妻對曰長卿固未嘗有書
也時時著書人又取去即空居長卿未死時為一卷書

曰有使者來求書奏之無他書其遺札書言封禪事奏
所忠所忠奏其書焉天子異之其書辭曰伊上古之初
肇自昊灝穹兮生民歷撰選列辟以迄于乎秦率邇者
踵武逖聽逖者風聲紛綸歲蕤堙滅而不稱者不可勝
數也續韶繼昭夏崇號謚畧可道者七十有二君罔若
淑而不昌疇逆失而能存軒轅之前遐哉邈乎其詳不
可得聞也已五三六經載籍之傳維見可觀也書曰元
首明哉股肱良哉因斯以談君莫盛於唐堯臣莫賢於

后稷后稷創業於唐公劉發迹於西戎文王改制爰周
鄧隆大行越成而後后陵夷遲衰微千載無亡聲豈不
善始善終哉然無異端慎所由於前謹遺教於後耳故
軌迹夷易易遵也湛恩蒙涌龐洪易豐也憲度著明易
則也垂統理順易繼也是以業隆於襁褓而崇冠乎
二后揆厥所元終都攸卒未有殊尤絕迹可考于於今
者也然猶躡梁父甫登泰太山建顯號施尊名大漢之
德漢逢涌原泉沕涌漫衍曼羨旁魄四塞雲專布霧散

上暢九垓下沂八埏懷生之類霑濡浸潤協氣橫流武
節飄焱逝邇爾陝隄游原迴闊泳沫末首惡湮鬱沒閭
昧昭哲晰昆蟲凱澤闡澤回首面內然後圍騶虞之珍
羣傲麋鹿之怪獸導導一莖六穗於庖犧雙觥共抵之
獸獲周餘珍牧放龜于岐招翠黃垂龍於沼鬼神接靈
圉賓於閒館奇物譎詭倣儻窮變欽哉符瑞臻茲猶以
為薄不敢道封禪蓋周躍魚隕杭休之以燎微夫斯之
為符也以登介山丘不亦慙乎進讓攘之道其何其爽

歟於是大司馬進曰陛下仁育羣生義征不憚譴諸夏
樂貢百蠻執贄德侔往初功無與二休烈浹浹洽符瑞
衆變期應紹至不特創見意者泰太山梁父設壇場望
幸蓋號以况榮上帝垂恩儲祉將以薦慶成陛下謙
讓而弗發也挈三神之驩歡缺王道之儀羣臣慙焉或
謂且天為質闇示珍符固不可辭若然辭之是泰山靡
記而梁父靡聞幾也亦各並時而榮咸濟厥世而屈說
者尚何稱於後而云七十二君乎哉夫修德以錫符奉

符以行事不為進越也故聖王弗替而修禮地祇謁款
天神勤功中嶽岳以彰至尊舒盛德發號榮受厚福以
浸黎民也皇皇哉斯事天下之壯觀王者之不卒業不
可貶也願陛下全之而後因雜薦縉紳先生之畧術使
獲耀曜日月之末光絕炎以展采錯事猶兼正列其義
校飭被飾厥文作春秋一藝將襲舊六為七攄之無窮
俾萬世得激清流揚微波蜚英聲騰茂實前聖之所以
永保鴻名而常為稱首者用此宜命掌故悉奏其義儀


而覽焉於是天子沛然改容曰愉俞乎朕其試哉乃遷思回慮總公卿之議詢封禪之事詩大澤之博廣符瑞之富乃遂作頌曰自我天覆雲之油油甘露時雨厥壤可游滋液滲漉何生不育嘉穀六穗我穡曷蓄非唯雨之又潤澤之非唯濡之偏我汜專布濩之萬物熙熙懷而慕思之名山顯位望君之來君乎兮君乎兮侯不邁哉般般之獸樂我君囿白質黑章其儀可嘉喜收收睦睦穆穆君子之能態蓋聞其聲今觀視其來厥塗靡

蹤從天瑞之徵茲亦爾於舜虞氏以興濯濯之麟游彼
靈時孟冬十月君徂郊祀馳我君與帝以用享社三代
之前蓋未嘗有宛宛黃龍興德而升采色炫玄耀熒煥
炳輝煌煌正陽顯見覺寤黎烝於傳載之云受命所垂
厥之有章不必諄諄依類記託寓諭以封巒披藝觀之
天人之際已交上下相發允答聖王之德事兢兢翼翼
也故曰於興必慮衰安必思危是以湯武至尊嚴不失
肅祇舜在假典顧省厥遺此之謂也司馬相如既卒五

歲天子始祭后土八年而遂先禮中嶽岳封于太山
至梁甫禪肅然相如他它所著若遺平陵侯書與五公
子相難草木書篇不采采其尤著公卿者云

太史公贊曰司馬遷稱春秋推見至隱易本隱以之顯
大雅言王公大人而德逮黎庶小雅譏小己之得失其
流及上所以言雖外殊其合德一也相如雖多虛辭濫
說然要其要歸引之於節儉此亦與詩之風諫何異揚
雄以為靡麗之賦勸百而風一猶馳騁鄭衛之聲曲終

而奏雅不已。戲乎。余采其語。可論者。著于篇。



班馬異同卷二十七

欽定四庫全書

史部

班馬異同卷

二十八至
三十五

詳校官侍讀臣陳萬書

洗馬臣王坦修覆勘

總校官編修臣王燕緒

校對官中書臣李鎔

謄錄監生臣朱達

欽定四庫全書

班馬異同卷二十八

宋 倪思 編

淮南衡山列傳第五十八 史記一百一十八

淮南衡山傳第十四 漢書四十四

伍被傳第十五 漢書四十五

淮南厲王長者高祖帝少子也其母故趙王張敖美人
高祖帝八年從東垣過趙趙王獻之美人厲王母也得

幸馬有身趙王敖弗敢內宮為築外宮而舍之及貫
高等謀反拍人事發覺并逮治王盡收捕王母兄弟美
人繫之河內厲王母亦繫告吏曰日得幸上有身子吏
以聞上上方怒趙王未及理厲王母厲王母弟趙兼因
辟陽侯言呂后呂后妒弗不肯白辟陽侯不彊爭及厲王
母已生厲王恚即自殺吏奉厲王詣上上悔令呂后母
之而葬厲王其母真定真定厲王母之家在焉父世縣
也高祖十一年十月淮南王黥布反立子長為淮南王

王黥布故地凡四郡上自將兵擊滅布即立子長為淮南厲王遂即位厲王蚤失母常附吕后孝惠吕后時以故得幸無患害而然常心怨辟陽侯弗敢發及孝文帝初即位淮南王自以為最親驕蹇數不奉法上以親故常寬赦之三年入朝甚橫從上入苑囿獵與上同車輦常謂上大兄厲王有材力能扛鼎乃往請辟陽侯辟陽侯出見之即自袖鐵鎰金椎椎辟陽侯之令命從者魏敬剄刑之厲王乃馳走詣闕下肉袒而謝曰臣母

不當坐趙時事其時辟陽侯力能得之吕后弗不爭罪
一也趙王如意子毋無罪吕后殺之辟陽侯弗不爭罪
二也吕后王諸吕欲以危劉氏辟陽侯弗不爭罪三也
臣謹為天下誅賊臣辟陽侯報母之仇謹伏闕下請罪
孝文帝傷其志為親故弗不治赦厲王之當是時自薄
太后及太子諸大臣皆憚厲王厲王以此歸國益驕恣
不用漢法出入稱警蹕稱制自為作法令擬於天子數
上書不遜順文帝重自切責之時帝舅薄昭為將軍尊

重上令昭予厲王書諫數之曰竊聞大王剛直而勇慈
惠而厚貞信多斷是天以聖人之資奉大王也甚盛不
可不察今大王所行不稱天資皇帝初即位易侯邑在
淮南者大王不肯皇帝卒易之使大王得三縣之實甚
厚大王以未嘗與皇帝相見入朝見未畢昆弟之歡而
殺列侯以自為名皇帝不使吏與其間赦大王甚厚漢
法二千石缺輒言漢補大王逐漢所置而請自置相二
千石皇帝翫天下正法而許大王甚厚大王欲屬國為

布衣守冢真定皇帝不許使大王毋失南面之尊甚厚
大王宜日夜奉法度修貢職以稱皇帝之厚德今迺輕
言恣行以負謗於天下甚非計也夫大王以千里為宅
居以萬民為臣妾此高皇帝之厚德也高帝蒙霜露沫
風雨赴矢石野戰攻城身被創痍以為子孫成萬世之
業艱難危苦甚矣大王不思先帝之艱苦日夜怵惕修
身正行養犧牲豐粢盛奉祭祀以無忘先帝之功德而
欲屬國為布衣甚過且夫貪讓國土之名輕廢先帝之

業不可以言孝父為之基而不能守不賢不求守長陵
而求之真定先母後父不誼數逆天子之令不順言節
行以高兄無禮幸臣有罪大者立斷小者肉刑不仁責
布衣一劍之任賤王侯之位不知不好學問大道觸情
妄行不祥此八者危亡之路也而大王行之棄南面之
位奮諸賁之勇常出入危亡之路臣之所見高皇帝之
神必不廟食於大王之手明白昔者周公誅管叔放蔡
叔以安周齊桓殺其弟以反國秦始皇殺兩弟遷其母

以安秦項王七代高帝奪之國以便事濟北舉兵皇帝
誅之以安漢故周齊行之於古秦漢用之於今大王不
察古今之所以安國便事而欲以親戚之意望於太上
不可得也亡之諸侯游宦事人及舍匿者論皆有法其
在王所吏主者坐今諸侯子為吏者御史主為軍吏者
中尉主客出入殿門者衛尉太行主諸從蠻夷來歸誼
及以亡名數自占者內史縣令主相欲委下吏無與其
禍不可得也王若不改漢繫大王邸論相以下為之奈

何夫墮父大業退為布衣所哀幸臣皆伏法而誅為天下笑以羞先帝之德甚為大王不取也宜急改操易行上書謝罪曰臣不幸早失先帝少孤呂氏之世未嘗忘死陛下即位臣怙恩德驕盈行多不軌追念舉過恐懼伏地待誅不敢起皇帝聞之必喜大王昆弟歡忻於上羣臣皆得延壽於下上下得宜海內常安願執計而疾行之行之有疑禍如發矢不可追已王得書不說六年令男子但等七十人與棘蒲侯柴武太子竒謀以輦輦車

四十乘反谷口令人使閩越匈奴事覺治之迺使使召淮南王淮南王至長安丞相臣張蒼典客臣馮敬行御史大夫事與宗正臣逸廷尉臣賀備盜賊中尉臣福雜奏昧死言淮南王長廢先帝法不聽天子詔居處無度為黃屋蓋乘輿出入擬擬於天子擅為法令不用漢法及所置吏以其郎中春為丞相收聚收漢諸侯人及有罪亡者匿與居為治家室賜與其財物爵祿田宅爵或至關內侯奉以二千石所不當得欲以有為大夫但士

伍開章等七十人與棘蒲侯太子竒謀反欲以危宗廟
社稷使開章陰告長與謀使閩越及匈奴發其兵開章
之淮南見長長數與坐語飲食為家室娶婦以二千石
俸奉之開章使人告但已言之王春使使報但等吏事
覺知使長安尉竒等往捕開章長匿不予與故中尉藺
忌謀殺以閉口為棺擲衣衾葬之肥陵邑謾吏曰不知
安在又佯陽聚土樹表其上曰開章死埋葬此下及長
身自賊殺無罪者一人令吏論殺無罪者六人為亡命

棄市罪詐捕命者以除罪擅罪人罪人無告劾繫治城旦春以上十四人赦免罪人死罪十八人城旦春以下五十八人賜人爵關內侯以下九十四人前日長病陛下心憂苦之使使者賜書棗脯長不欲受賜不肯見拜使者南海民處廬江界中者反淮南吏卒擊之陛下以淮南民貧苦遣使者齎賜長帛五十匹以賜吏卒勞苦者長不欲受賜謾言曰無勞苦者南海民王織上書獻璧帛皇帝忌擅燔其書不以聞吏請召治忌長不遣

謾言曰忌病春又請長願入見長怒曰汝欲離我自附
漢長所犯不軌當棄市臣請論如法制曰朕不忍致置
法於王其與列侯吏二千石議臣蒼臣敬臣逸臣福臣
賀昧死言臣謹與列侯吏二千石臣嬰等四十三人議
皆曰長不奉法度不聽天子詔乃陰聚徒黨及謀反者
厚養亡命欲以有為臣等議宜論如法制曰朕不忍致
法於王其赦長死罪廢勿王臣蒼等昧死言長有大死
罪陛下不忍致法幸赦廢勿王有司奏臣請處蜀郡嚴

道邛郵遣其子子母從居縣為築蓋家室皆廩日三食
給薪菜鹽豉炊食器席蓐臣等昧死請請布告天下制
曰計食長給肉日五斤酒二斗令故美人才材人得幸
者十人從居他可於是盡誅所興謀者於是迺遣淮南
王長載以輜車令縣以次傳是時袁爰盜諫上曰上素
驕淮南王弗不為置嚴傳相傳以故至此且淮南王為
人剛今暴摧折之臣恐其卒逢霧露病死陛下為有殺
弟之名奈何上曰吾特苦之耳今令復之縣傳淮南王

者皆不敢發車封淮南王乃謂侍者曰誰謂乃公勇者
吾安能勇吾以驕故不聞吾過故至此人生一世間安
能邑邑如此迺不食而死縣傳者不敢發車封至雍雍
令發封之以死聞上悲哭甚悲謂袁爰盜曰吾不聽從
公言卒亡淮南王盜曰淮南王不可奈何願陛下自寬
上曰為之奈何盜曰獨斬丞相御史以謝天下迺可上
即令丞相御史遂考逮諸縣傳送淮南王不發封餽侍
者皆棄市乃以列侯葬淮南王於雍置守冢三十戶家

孝文八年上憐淮南王淮南王有子四人年皆七八歲
乃封子安為阜陵侯子勃為安陽侯子賜為周陽周侯
子良為東城侯孝文十二年民有作歌歌淮南厲王曰
一尺布尚可縫一斗粟尚可舂兄弟二人不能相容上
聞之乃歎曰昔堯舜放逐骨肉周公殺管蔡天下稱聖
何者不以私害公天下豈以為我為貪淮南王地耶迺
徙城陽王王淮南故地而追尊謚淮南王為厲王置園
復如諸侯儀孝文十六年徙淮南王喜復故城陽上憐

淮南厲王廢法不軌自使失國蚤死天迺徙淮南王喜
復王故城陽而乃立其厲王三子王淮南故地三分之
阜陵侯安為淮南王安陽侯勃為衡山王周陽周侯賜
為廬江王皆復得厲王時地參分之東城侯良前薨無
後也孝景三年吳楚七國反吳使者至淮南淮南王欲
發兵應之其相曰大王必欲發兵應吳臣願為將王乃
屬相兵之淮南相已將兵因城守不聽王而為漢漢亦
使曲城侯兵救淮南淮南以故得完吳使者至廬江廬

江王弗不應而往來使越吳使者至衡山衡山王堅守
無二心孝景四年吳楚已破衡山王朝上以為貞信乃
勞苦之曰南方卑濕徙衡山王王於濟北所以褒之及
薨遂賜謚為貞王廬江王以邊越數使使相交故徙為
衡山王王江北淮南王如故

淮南王安為人好讀書鼓琴不喜弋獵狗馬馳騁亦欲
以行陰德拊循百姓流名譽天下招致賓客方術之士
數千人作為內書二十一篇外書甚衆又有中篇八卷

言神仙黃白之術亦二十餘萬言時武帝方好藝文以
安屬為諸父辯博善為文辭甚尊重之每為報書及賜
常召司馬相如等視草迺遣初安入朝獻所作內篇新
出上愛秘之使為離騷傳旦受詔日食時上又獻頌德
及長安都國頌每宴見談說得失及方技賦頌昏暮然
後罷時時怨望厲王死時欲畔逆未有因也及建安二
年淮南王安初入朝素雅善太尉武安侯武安侯時為
太尉乃逆王迎之霸上與王語曰方今上無太子大王

親高皇帝孫行仁義天下莫不聞即宮車一日晏駕非
大王當尚誰立者淮南王大喜厚遺武安侯金財物寶
賂陰結其羣臣賓客江淮間多輕薄以厲王遷死感激
安拊循百姓為畔逆事建元六年彗星見淮南王心怪
之或說王曰先吳軍起時彗星出長數尺然尚流血千
里今彗星長竟天天下兵當大起王心以為上無太子
天下有變諸侯並爭愈益治器械攻戰具積金錢賂遺
郡國諸侯游士奇材諸辯士為方畧者妄作妖言諂阿

諛王王喜多賜予之金錢而謀反滋甚淮南王有女陵
慧有口辯王愛陵嘗多予金錢為中訶長安約結上左
右元朔三二年上賜淮南王几杖不朝淮南王王后荼
王愛幸之王后生太子遷為太子遷取王皇太后外孫
修成君女為太子妃王謀為反具畏太子妃知而內泄
事迺與太子謀令詐弗不愛三月不同席王乃詳陽為
怒太子閉太子使與妃同內三月太子終不近妃妃求
去王乃上書謝歸去之王后荼太子遷及女陵得愛幸

王擅國權侵奪民田宅妄致繫人元朔五年太子學用
劍自以為人莫及聞郎中雷雷被巧乃召與戲被一臺
再辭讓誤中太子太子怒被恐此時有欲從軍者輒詣
京師長安被即願奮擊匈奴太子遷數惡被於王王使
郎中令斥免欲以禁後元朔五年被遂亡至之長安上
書自明詔下其事下廷尉河南河南治逮淮南太子王
王后計欲無母遣太子遂發兵反計未定猶豫與十餘
日未定會有詔即訊太子當是時淮南相怒壽春丞留

太子逮不遣劾不敬王以請相相弗不聽王使人上書
告相事下廷尉治蹤從跡連王王使人候伺司漢公卿
公卿請逮捕治王王恐事欲發兵太子遷謀曰漢使即
逮王王令人衣衛士衣持戟居庭中王旁有非是者則
即刺殺之臣亦使人刺殺淮南中尉迺舉兵未晚也是
時上不許公卿請而遣漢中尉宏即訊驗王王聞漢使
來即如太子謀計漢中尉至王視漢中尉其顏色和訊
問王以斥靄被事耳王自度無何不發中尉還以聞公

卿治者曰淮南王安擁雍閼求奮擊匈奴者雷被等廢格明詔當棄市詔弗不許公卿請廢勿王上詔弗不許公卿請削五縣詔可削二縣使中尉宏赦淮南王其罪罰以削地中尉入淮南界宣言赦王王初聞漢公卿請誅之未知得削地聞漢使來恐其捕之乃與太子謀刺之如前計及中尉至即賀王王以故不發其後自傷曰吾行仁義見削地寡人甚耻之然淮南王削地之後其為謀反益甚諸使者道從長安來為妄妖言言上無男

漢不治即喜即言漢廷治有男王即怒以為妄言非也
王日夜與伍被左吳等按輿地圖部署兵所從入王曰
上無太子宫車即晏駕廷大臣必徵膠東王不即常山
王諸侯並爭吾可以無備乎且吾高祖帝孫親行仁義
陛下遇我厚吾能忍之萬世之後吾寧能北面而臣事

豎子乎

漢書連下王有孽子此下文入伍被傳

伍被楚人也或言其先伍

子胥後也被以材能稱為淮南中郎是時淮南王安好
術學折節下士招致英雋以百數被為冠首久之淮南

王陰有邪謀被數微諫後王坐東宮召伍被欲與謀計
事呼之曰將軍上被悵然曰上寬赦大王王復安得此
亡國之語言乎臣聞昔子胥諫吳王吳王不用迺曰臣
今見麋鹿游姑蘇之臺也今臣亦將見宮中生荆棘露
雷衣也於是王怒繫伍被父母囚之三月王復召被曰
將軍許寡人乎被曰不直來小臣將為大王畫計耳臣
聞聰者聽於無聲明者見於未形故聖人萬舉而萬全
昔文王一壹動而功顯于千萬世列為三代王此所謂

因天心以動作者也故海內不期而隨此千歲之可見者夫百年之秦近世之吳楚亦足以喻國家之存亡矣

漢書祗傳連下王曰方今漢廷治乎

臣不敢避子胥之誅願大王母為吳

王之聽昔往者秦為無道殘賊天下絕先王之道殺術士燔詩書滅聖跡棄禮義尚詐力任刑罰法轉負海瀕之粟致之于西河當是之時男子疾耕不足於糟糠糧餽女子紡績不足於蓋形遣蒙恬築長城東西數千里暴兵露師常數十萬死者不可勝數僵尸千里滿野流

血頃畝千里於是百姓力竭屈欲為亂者十家室而五
又使徐福入海求仙藥神異物還為偽辭曰臣見海中
大神言曰汝西皇之使邪臣答曰然汝何求曰願請延
年益壽藥神曰汝秦王之禮薄得觀而不得取即從臣
東南至蓬萊山見芝城宮闕有使者銅色而龍形光上
照天於是臣再拜問曰宜何資以獻海神曰以令名男
子若振女與百工之事即得之矣秦皇帝大說多齋珍
寶遣振童男女三千人資之五穀種種百工而行徐福

得平原廣大澤止王不來於是百姓悲痛相愁思欲為
亂者十家室而六又使尉佗踰五嶺攻百越尉佗知中
國勞極止王南越不來使人上書求女無夫家者三萬
人以為士卒衣補秦皇帝可其萬五千人行者不還往

者莫返於是百姓離心瓦解欲為亂者十家室而七

伍傳

連下興萬乘之駕至叩心
怨上欲為亂者十室而八

客謂高皇帝曰待之聖人當

起東南間不一年歲陳勝吳廣大呼發矣高皇帝始於
豐沛一倡劉項並和天下不期而響應者不可勝數

也此所謂蹈瑕釁候間因秦之亡時而動者也百姓願之若枯旱之望雨故起于行陳之中而立為天子以成帝王之功功高三王德傳無窮今大王見高皇帝祖得天下之易也獨不觀近世之吳楚乎

伍傳連下當今陛下臨制至被以為

過矣

夫吳王賜號為劉氏祭酒受几杖而復不朝王四郡

之衆地方數千里內鑄消采山銅以為錢東煮海水以為鹽上取伐江陵之木以為船一船之載當中國數十兩車國富民衆行珠玉金帛珍寶賂諸侯宗室大臣獨

竇氏不與計定謀成與七國合從舉兵而西破於大梁
敗於狐父奔走而東還至於丹徒為越人所禽之死於
丹徒頭足異處身死滅絕祀絕為天下笑戮夫以吳越
之衆不能成功者何也誠逆天道違衆而不知見時也
伍傳連下王曰
男子之所死者方今且大王之兵衆不能十分吳楚之
一天下安寧有又萬倍於吳楚秦之時願大王從用臣
之計大王不從臣之計今見大王事必不成而語先泄
也臣聞微箕子過故國而悲於是作麥秀之歌是痛紂

之不用王子比干之言也故孟子曰紂貴為天子死曾
不若如匹夫是紂先自絕於天下久矣非死之日而天
下去之也今臣亦竊悲大王棄千乘之君必且將賜絕
命之書為羣臣先身死於于東宮也於是王氣怨結而
不撈涕滿匡而橫流即被囚流涕而起歷階而去

伍傳連下

後王復
召問被

王有孽子不害最長王弗不愛王王后太子皆

不以為子兄數不害有子建材高有氣常怨望太子不
省其父又怨時諸侯皆得分子弟為侯而淮南王獨有

二兩子一子為太子而建父獨不得為侯建陰結交欲
告敗害太子以其父代之太子知之數捕繫而榜笞建
建具知太子之欲謀欲殺漢中尉即使所善壽春莊芷
嚴正以元朔六年上書於天子曰毒藥苦於口利於病
忠言逆於耳利於行今淮南王孫建材能高淮南王王
后荼荼子太子遷常疾害建建父不害無罪擅數捕繫
欲殺之今建在可徵問具知淮南王陰事書既聞上以
其事下廷尉廷尉下河南治是時歲元朔六年也故辟

陽侯孫審卿善丞相公孫弘怨淮南厲王殺其大父乃
深購陰求淮南事而構之於弘弘迺疑淮南有畔逆計
謀深探窮治其獄河南治建辭引淮南太子及黨與初

王數以舉兵謀問伍被被常諫之以吳楚七國為效王
引陳勝吳廣被復言形勢不同必敗亡及建見治王恐

國陰事泄欲發復問被被為言發兵權變語在被傳

漢書

連下於是淮南王患之欲發問伍被曰方今漢廷治乎

王銳欲發

亂乎伍被曰天下治王意不說謂伍被曰公何以言天

下治也被對曰彼竊觀朝廷之政君臣之義父子之親
夫婦之別長幼之序皆得其理上之舉錯遵古之道風
俗紀綱未有所缺也重裝富賈周流天下道無不通故
交易之道行南越賓服羌僰入貢獻東甌入降朝廣長
榆開朔方匈奴折翅傷翼失援不振雖未及古太平之
時然猶為治也王怒被謝死罪王又謂被曰山東即有
兵變漢必使大將軍將而制山東公以為大將軍何如
人也被曰被臣所善者黃義從大將軍擊匈奴還告被

曰言大將軍遇士大夫有以禮於與士卒有恩衆皆樂
為之用騎上下山若如蜚飛材幹力絕人被以為材能
如此數將習兵未易當也及謁者曹梁使長安來言大
將軍號令明當敵勇敢常為士卒先須士卒休迺舍穿
井未通須士卒盡得水乃迺敢飲軍罷士卒盡已渡踰
河迺渡度皇太后所賜金帛錢盡以賞賜軍吏雖古名
將弗不過也王默然曰夫蓼太子知畧不世出非常人
也以為漢廷公卿列侯皆如沐猴而冠耳被曰獨先刺

大將軍乃可舉事淮南王見建已徵治恐國陰事且覺
欲發被又以為難王乃復問被曰公以為吳興舉兵是
邪非也邪被曰以為非也

伍傳下連上夫吳王
賜號為劉氏祭酒

吳王至

富貴也舉事不當身死丹徒頭足異處子孫無遺類臣
為吳王悔之甚願王孰慮之無為吳王之所悔王曰男
子之所死者一言耳且吳何知反漢將一日過成臯者
四十餘人今我令樓緩先要成臯之口周被下潁川兵
塞轅轅伊闕之道陳定發南陽兵守武關河南太守獨

有雒陽耳何足憂然此北尚有臨晉關河東上黨與河
內趙國界者通谷數行人言曰絕成臯之口道天下不
通據三川之險招山東天下之兵舉事如此公以為何
如被曰臣見其禍未見其福也

伍傳連下後漢建淮南王孫建繫治之起至末

見其福也

王曰左吳趙賢朱驕如皆以為有福什事八九成

公獨以為有禍無福何也被曰大王之羣臣近幸素能
使衆者皆前繫詔獄餘無可用者王曰陳勝吳廣無立
錐之地千百人之聚起於大澤奮臂大呼而天下響應

應西至於戲而兵百二十萬今吾國雖小然而勝兵者

可得二十餘萬非直適戍之衆鐵鑿棘矜也公何以言

有禍無福被曰

伍傳連上臣不敢避子胥之誅

往者秦為無道殘賊天

下興萬乘之駕作阿房之宮收太半之賦發閭左之戍

父不寧子兄不便安弟政苛刑峻慘天下熬然若焦民

皆引領而望傾耳而聽悲號仰天叩心而怨上故陳勝

大呼天下響應欲為亂者十室而八

伍傳連上客謂高皇帝至近世之吳

楚當今陛下臨制天下一壺齊海內汎汎愛蒸庶布德

施惠口雖未言聲疾雷霆震令雖未出化馳如神心有
所懷威動萬千里下之應上猶影景響響也而大將軍
材能不特非真章邯揚熊也大王以陳勝吳廣諭論之
被以為過矣

伍傳連上且大王之兵衆不能計分吳楚之一

後王復召問被曰

苟如公言不可以傲幸邪被曰必不得已被有愚計王
曰奈何被曰當今諸侯無異心百姓無怨氣朔方之郡
田土地廣水草美民徙者不足以實其地臣之愚計可
偽為丞相御史請書徙郡國豪傑桀任俠及有耐罪以

已上以赦令除其罪家產五十萬以上者皆徙其家屬
朔方之郡益發甲卒急其會日又偽為左右都司空上
林中都官詔獄逮書逮諸侯太子及幸臣如此則民怨
諸侯懼即使辯武士隨而說之儻黨可以傲幸什得一
乎王曰此可也雖然吾以為不至若此專發而已

伍傳此下

云後事發覺連下本傳被詣吏自告與淮南王謀反踪跡如此下接天子以伍被罪辭

於是王銳

欲發乃令官奴入宮中作皇帝璽丞相御史大夫將軍
軍吏中二千石都官令丞印及旁郡太守都尉印漢使

節法冠欲如伍被計使人偽為得罪而西事大將軍丞相一日發兵使人即刺殺大將軍衛青而說丞相弘下之如發蒙耳王欲發國中兵恐其相二千石不聽王迺與伍被謀先殺相二千石偽為失火宮中相二千石救火至即因殺之計未決又欲令人衣求盜衣持羽檄從東南方來呼言曰南越兵入界欲因以發兵乃使人至之廬江會稽為求盜未發決

本傳連下廷尉以建辭連太子遷後漢建

淮南王孫建繫治之王恐陰事泄謂問伍被曰事至吾

欲遂發天下勞苦有間矣諸侯頗有失行皆自疑我吾
舉兵西鄉諸侯必有應我者即無應奈何即還畧衡山
勢不得不發被曰南收畧衡山以擊廬江有尋陽之船
守下雉之城結九江之浦絕豫章之口彊弩臨江而守
以禁南郡之下東收江都保會稽南通勁越屈彊江淮
間猶可以得延歲月之壽耳未見其福也
伍傳連上王曰左吳趙賢
王曰善無以易此急則走越耳於是廷尉以王孫建辭
連淮南王太子遷聞上遣廷尉監因拜與淮南中尉建

捕太子至淮南淮南王聞與太子謀召相二千石欲殺而發兵召相相至內史以出為解中尉曰臣受詔使不得見王王念獨殺相而內史中尉不來無益也即罷相王計猶豫與計未決太子念所坐者謀刺殺漢中尉所與謀殺者已死以為口絕乃謂王曰羣臣可用者皆前繫今無足與舉事者王以為非時發恐無功臣願會逮王亦偷急欲休即許太子太子即自剄刑不殊伍被自詣吏因具告與淮南王謀反反蹤跡具如此

伍傳用此傳被詣吏

自告以下語下接天子
以伍被至遂誅被傳終

吏因捕太子王后圍王宮盡求

捕王所與謀反賓客在國中者索得反具以聞上下公
卿治所連引與淮南王謀反列侯二千石豪傑桀數千
人皆以罪輕重受誅衡山王賜淮南王弟也當坐收有
司請逮捕衡山王天子曰諸侯各以其國為本不當
相坐與諸侯王列侯會肄丞相諸侯議趙王彭祖列侯
臣讓等四十三人議皆曰淮南王安甚大逆無道謀反
明白當伏誅膠西王臣端議曰淮南王安廢法度行邪

辟有懷詐偽心以亂天下熒營惑百姓倍背畔宗廟妄
作妖言春秋曰臣無母將將而誅安罪重於將謀反形
已定臣端所見其書節印圖及他逆無亡道事驗明白
甚大逆無道當伏其法而論國吏二百石以上及比者
宗室近幸臣不在法中者不能相教當皆當免官削爵
為士伍毋得官為吏者其非吏他贖死金二斤八兩以
章臣安之罪使天下明知臣子之道毋敢復有邪僻倍
背畔之意丞相弘廷尉湯等以聞天子上使宗正以符

節治王未至淮南王安自剄刑殺王后荼太子遷諸所

與謀反者皆族

收夷

連下國除

天子以伍被雅辭多引漢之

美欲勿誅廷尉張湯進曰被首為之王晝反謀計被罪

無赦遂誅被

伍傳止此

國除為九江郡

衡山王賜王后乘舒生子三人長男爽為太子次男孝

次女無采少男孝又姬徐來生子男女四人美人厥姬

生子二人衡山王淮南王衡山兄弟相責望禮節間不

相能衡山王聞淮南王作為畔逆反具亦心結賓客以

應之恐為所并元光六年衡山王入朝其謁者衛慶有方術欲上書事天子王怒故劾慶死罪彊榜服之衡山內史以為非是卻其獄王使人上書告內史內史治言王不直王又數侵奪人田壞人家以為田有司請逮治衡山王天子上不許為置吏二百石以上衡山王以此恚與奚慈張廣昌謀求能為兵法候星氣者日夜從縱容吏王密謀反事王后乘舒死立徐來為王后厥姬俱幸兩人相妒厥姬乃惡王后徐來於太子曰徐來使婢

盡道殺太子母太子心怨徐來徐來兄至衡山太子與
飲以刃刺刑傷王后兄之王后以此怨怒太子數毀惡
太子之於王太子女弟無采嫁棄歸與奴姦又與客姦
太子數以數讓無采之無采怒不與太子通王后聞之
即善遇無采無采及中兄孝孝少失母附王后王后以
計愛之與共毀太子王以故數繫笞太子元朔四年中
人有賊傷王后假母者王疑太子使人傷之笞太子後
王病太子時稱病不侍孝王后無采惡太子太子實不

病自言病有喜色王於是大怒欲廢太子而立其弟孝
王后知王決廢太子又欲并廢孝王后有侍者善舞王
幸之王后欲令侍者與孝亂以汚之欲并廢兄弟二子
而以立其已子廣代太子之太子與知之念后數惡已
無已時欲與亂以止其口王后飲太子太子前為壽因
據王后股求與王后卧王后怒以告王王乃召欲縛而
笞之太子知王常欲廢已而立其弟孝乃謂王曰孝與
王御者奸無采與奴奸王彊始食請上書即倍背王去

王使人止之莫能禁王乃自駕追捕太子太子妄惡言
王械繫太子宮中孝日益以親幸王奇孝材能迺佩之
王印號曰將軍令居外宅家多給金錢招致賓客賓客
來者微知淮南衡山有逆計皆日夜從容將養勸之王
迺使孝客江都人救枚赫陳喜作輶車鑣鍛矢刻天子
璽將相軍吏印王日夜求壯士如周丘等數稱引吳楚
反時計畫以約束衡山王非敢效淮南王求即天子位
畏淮南起并其國以為淮南已西發兵定江淮之間而

有之望如是元朔五年秋衡山王當朝六年過淮南淮南王迺昆弟語除前卻陳約束反具衡山王即上書謝病上賜書不朝元朔六年中衡山王迺使人上書請廢太子爽立孝為太子爽聞即使所善白羸之長安上書言衡山王與子謀逆言孝作輶兵車鏃鍛矢與王御者奸欲以敗孝白羸至長安未及上書即吏捕羸以淮南事繫王聞爽使白羸上書之恐其言國陰事即上書反告太子爽所以為不道棄市罪事事下沛郡治元朔狩

七元年冬有司公卿下沛郡求捕所與淮南王謀反者
未得得陳喜於衡山王子孝家吏劾孝首匿喜孝以為
陳喜雅數與王計謀反恐其發之聞律先自告除其罪
又疑太子使白羸上書發其事即先自告告所與謀反
者救赦赫陳喜等廷尉治事驗公卿請逮捕衡山王治
之天子曰勿捕遷遣中尉安大行息即問王王具以
情實對吏皆圍王宮而守之中尉大行還以聞公卿請
遣宗正大行與沛郡雜治王王聞即自剄殺孝先自告

反告除其罪孝坐與王御婢姦棄市及王后徐來亦坐
蠱殺前王后乘舒及太子與坐告王告父不孝皆棄市
諸坐與衡山王謀反者皆族誅國除為衡山郡

太史公贊曰詩之所謂云戎狄是膺荆舒是懲信哉是
言也淮南衡山親為骨肉疆土千里列為在諸侯不務
遵蕃臣職以承輔天子而專剽挾懷邪辟之計謀為畔
逆仍父子再亡國各不終其身為天下笑此非獨王過
也亦其俗薄臣下漸靡使然也夫荆楚僇剽勇輕悍好

作亂乃自古記之矣

班馬異同卷二十八

欽定四庫全書

班馬異同卷二十九

宋 倪思 編

汲黯列傳第六十

史記一百二十

汲黯鄭莊傳第二十

漢書五十

汲黯字長孺濮陽人也其先有寵於古之衛君也至黯
七十世世為卿大夫黯以父任孝景時為太子洗馬以
莊嚴見憚孝景帝崩太子武帝即位黯為謁者東越粵

相攻上使黯往視之不至至吳而還報曰越粵人相攻固其俗然不足以辱天子之使者河內失火延燒千餘家上使黯往視之還報曰家人失火屋比延燒不足憂也臣過河南內河南內貧人傷水旱萬餘家或父子相食臣謹以便宜持節發河南內倉粟以振貧民臣請歸節伏矯制之罪上賢而釋之遷為滎陽令黯恥為令稱疾病歸田里上聞乃迺召拜為中大夫以數切諫不得久留內遷為東海太守黯學黃老之言治官理民好

清靜擇丞史而任之其治責大指而已不細苛小黠多
病卧閨閣內不出歲餘東海大治稱之上聞召以為主
爵都尉列於九卿治務在無為而已弘引大體不拘文
法黠為人性倨少禮面折不能容人之過合已者善待
之不合已者不弗能忍見士亦以此不附焉然好學游
俠任氣節內行修潔其好直諫數犯主之顏色常慕傅
伯袁愛盜之為人也好善灌夫鄭當時及宗正劉棄疾亦
以數直諫不得久居位當是時太后弟武安侯田蚡為

丞相中二千石來拜謁蚡不弗為禮然黯見蚡未嘗拜
常揖之天子上方招文學儒者上曰吾欲云云黯對曰
陛下內多欲而外施仁義奈何欲效唐虞之治乎虡上
默然怒變色而罷朝公卿皆為黯懼上退謂左右人曰
甚矣汲黯之戇也羣臣或數黯黯曰天子置公卿輔弼
之臣寧令從諛承意陷主於不義乎虡且已在其位縱
愛身奈辱朝廷何黯多病病且滿三月上常賜告者數
終不愈瘡最後病莊嚴助為請告上曰汲黯何如人哉

也助曰使黠任職居官無以踰瘡人然至其輔少主守城或深堅招之不來麾之不去雖自謂賁育亦不弗能奪之矣也上曰然古有社稷之臣至如汲黯近之矣大將軍青侍中上踞廁而視之丞相弘燕晏見上或時不冠至如見黯見上不冠不見也上嘗坐武帳中黯前奏事上不冠望見黯避帳帷中使人可其奏其見敬禮如此張湯方以更定律令為廷尉黯數質責湯於上前曰公為正卿上不能褒先帝之功業下不能抑化天下之

邪心安國富民使國圉空虛二者無一焉非苦就行放
折就功何乃空取高皇帝約束紛更之為而公以此無
種矣黷時與湯論議湯辯常在文深小苛黷伉屬守高
不能屈忿憤發罵曰天下謂刀筆吏不可以為公卿果
然必湯也今天下重足而立側目而視矣是時漢方
征匈奴招懷四夷黷務少事乘上間常言與胡和親無
毋起兵上方嚮鄉儒術尊公孫弘及事益多吏民巧弄
上分別文法湯等數奏決讞以幸而黷常毀儒面觸弘

等徒懷詐飾智以阿人主取容而刀筆之吏專深文巧
詆陷人於罪罔使不得反其真以勝自為功上愈益貴
弘湯弘湯深心疾黯唯天子雖上亦不說也欲誅之以
事弘為丞相乃迺言上曰右內史界部中多貴人宗室
難治非素重臣不弗能任請徙黯為右內史為右內史
數歲官事不廢大將軍青既益尊姊為皇后然黯與亢
禮人或說黯曰自天子欲令羣臣下大將軍大將軍尊
重益貴誠重君不可以不拜黯曰夫以大將軍有揖客

反不重邪大將軍聞愈賢黯數請問以國家朝廷所疑
遇黯過加於平生日淮南王謀反憚黯曰黯好直諫守
節死義難惑以非至如說丞相公孫弘等如發蒙振落
耳天子上既數征匈奴有功黯之言益不用始黯列為
九卿矣而公孫弘張湯等為小吏已而弘至丞相封為侯湯至
御史大夫故黯時丞相史皆與黯同列或尊用過之黯
褊心不能無少望見上前言曰陛下用羣臣如積薪耳
後來者居上上默然有間黯罷上曰人果不可以無學

觀汲黯之言也。日益甚矣。居無何。匈奴渾邪王率帥衆來降。漢發車三萬乘。縣官無亡錢。從民貰馬。民或匿馬。馬不具。上怒。欲斬長安令黯。曰：「長安令無亡罪。獨斬臣黯。民乃迺肯出馬。且匈奴畔其主而降漢。漢徐以縣次傳之。何至令天下騷動。罷弊中國而甘心以事夷狄之人乎？」上默然。及後渾邪王至。賈人與市者坐當死者五百餘人。黯入請間。見高門。曰：「夫匈奴攻當路塞絕。和親中國。興舉兵誅之。死傷者不可勝計。而費以巨鉅萬。」

百數臣愚以為陛下得胡人皆以為奴婢以賜從軍死
事者家所鹵獲因予與之以謝天下之苦塞百姓之心
今縱不能渾邪率帥數萬之衆來降虛府庫賞賜發良
民侍養譬若奉驕子愚民安知市買長安中物而文吏
繩以為闢出財物于如邊關乎陛下縱不能得匈奴之
資贏以謝天下又以微文殺無知者五百餘人是所謂
庇其葉而傷其枝者乎臣竊為陛下不弗取也上默
然不弗許曰吾久不聞汲黯之言今又復妄發矣後數

月黥坐小法會赦免官於是黥隱於田園居者數年會
更立五銖錢民多盜鑄錢者楚地尤甚上以為淮陽楚
地之郊也乃召拜黥拜為淮陽太守黥伏謝不受印綬
詔數彊予然後奉詔詔召見黥上殿黥為上泣曰臣自以
為填溝壑不復見陛下不意陛下復收用之臣常有狗
馬之心今病力不能任郡事臣願為中郎出入禁闥補
過拾遺臣之願也上曰君薄淮陽邪吾今召君矣顧淮
陽吏民不相得吾徒得君之重卧而治之黥既辭行過

大行李息曰黠棄逐居郡不得與朝廷議也矣然御史大夫張湯智足以拒諫詐足以飾非務巧佞之語辯數之辭非肯正為天下言專阿主意主意所不欲因而毀之主意所欲因而譽之好興事舞文法內懷詐以御主心外挾賊吏以為威重公列九卿不早言之何公與之俱受其戮矣息畏湯終不敢言黠居郡如其故治淮陽政清後張湯果敗上聞黠與息言抵息罪令黠以諸侯相秩居淮陽居淮陽十七歲而卒卒後上以黠故官

其弟汲仁至九卿子汲偃至諸侯相黯姑姊子司馬安亦少與黯為太子洗馬安文深巧善宦官四至九卿以河南太守卒昆弟以安故同時至二千石者十人濮陽段宏始事蓋侯信信任宏宏官亦再至九卿然衛人仕者皆嚴憚汲黯出其下

鄭當時者字莊陳人也其先鄭君嘗為事項籍將籍死已而屬漢高祖令諸故項籍臣名籍鄭君獨不奉詔詔盡拜名籍者為大夫而逐鄭君鄭君死孝文時鄭莊當

時以任俠自喜脫張禹羽於危阮聲聞梁楚之間孝景
時為太子舍人每五日洗沐常置驛馬長安諸郊存諸
故人請謝賓客夜以繼日至其明旦常恐不徧莊當時
好黃老之言其慕長者如恐不稱自見年少官薄然其
游知交友皆其大父行天下有名之士也武帝立即位
莊當時稍遷為魯中尉濟南太守江都相至九卿為右
內史以武安侯魏其時議貶秩為詹事遷為大司農令
莊當時為太史誡大吏戒門下客至無亡貴賤無亡留

門下者執賓主之禮以其貴下人莊性廉又不治其產業仰奉賜以給諸公然其餽遺人不過算具器食每朝候上之間說未嘗不言天下之長者其推轂士及官屬丞史誠有味其言之也常引以為賢於己未嘗名吏與官屬言若恐傷之聞人之善言進之上唯恐後山東士諸公以此翕然稱鄭莊鄭莊使視決河自請治行五日上曰吾聞鄭莊千里不齎糧請治行者何也然鄭莊當時在朝常趨和承意不取甚引斥臧當否及晚節漢

征匈奴招四夷天下費多財用益匱屈當時為大司農
莊任人賓客為大農儻人入多逋負司馬安為淮陽太
守發其事莊當時以此陷罪贖為庶人頃之守長史上
以為老以莊為遷汝南太守數歲以官卒昆弟以當時
故至二千石者六七人鄭莊當時始與汲黯始列為九
卿廉內行修絜此兩人中廢家貧賓客益落及居郡卒
後當時死家無亡餘貲財莊兄弟子孫以莊故至二千
石六七人焉先是下邳翟公為廷尉賓客亦填門及廢

門外可設爵網後復為廷尉客欲往翟公大署其門曰
一死一生迺知交情一貧一富迺知交態一貴一賤交
情迺見

太史公曰夫以汲鄭之賢有勢則賓客十倍無勢則否
況衆人乎下邳翟公有言始翟公為廷尉賓客闐門及
廢門外可設雀羅翟公復為廷尉賓客欲往翟公乃大
署其門曰一死一生乃知交情一貧一富乃知交態一

貴一賤交情乃見汲鄭亦云悲夫

漢贊同
張馮傳

班馬異同卷二十九

欽定四庫全書

班馬異同卷三十

宋 俛思 編

酷吏列傳第六十二 史記一百二十二

張湯傳第二十九 漢書五十九

杜周傳第三十 漢書六十

張杜二傳漢書別見不入酷吏

孔子曰道之以政齊之以刑民免而無恥導之以德齊之以禮有恥且格老氏稱上德不德是以有德下德不

失德是以無德法令滋章盜賊多有太史公曰信哉是
言也法令者治之具而非制治清濁之源原也昔天下
之網罔嘗密矣然姦偽萌軌愈起其極也上下相遁至
於不振當是之時吏治若救火揚沸非武健嚴酷惡能
勝其任而愉愉快乎言道德者溺其於職矣故曰聽訟
吾猶人也必也使無訟乎下士聞道大笑之非虛言也
漢興破觚而為圜斲雕瑀而為朴樸號為網罔漏於吞
舟之魚而吏治烝烝蒸蒸不至於姦黎民又安由是觀

之在彼不在此高后時酷吏獨有侯封刻轢宗室侵辱功臣呂氏已敗遂禽夷侯封之家孝景時鼂錯以刻深頗用術輔其資而七國之亂發怒於錯錯卒以被戮其後有鄧都窳成之屬倫

鄧都者河東大陽陽人也以郎事孝文帝孝景帝時都為中郎將敢直諫面折大臣於朝嘗從入上林賈姬如在厠野彘卒來入厠上目都都不行上欲自持兵救賈姬都伏上前曰亡一姬復一姬進天下所少寧賈姬等

乎邪陛下縱自輕奈宗室太后何上還羗亦去不傷賈
姬太后聞之賜都金百斤上亦賜金百斤由此重郅都
濟南睢氏宗人三百餘家豪猾二千石莫能制於是景
帝乃拜都為濟南太守都至則族滅誅睢氏首惡餘皆
股栗居歲餘郡中不拾遺畜十餘郡守畏都如大府都
為人勇有氣力公廉不發私書問遺無所受請寄無所
聽常自稱曰已倍背親而仕出身固當奉職死節官下
終不顧妻子矣郅都遷為中尉丞相條侯至貴倨居也

而都揖丞相是時民朴樸畏罪自重而都獨先嚴酷致
行法不避貴戚列侯宗室見都側目而視號曰蒼鷹臨
江王徵詣中尉府對簿臨江王欲得刀筆為書謝上而
都禁吏不弗予與魏其侯使人以間與予臨江王臨江
王既得為書謝上因自殺竇太后聞之怒以危法中都
都免歸家孝景乃迺使使持節即拜都為鴈門太守而
便道之官得以便宜從事匈奴素聞郅都節居舉邊為
引兵去竟郅都死不近鴈門匈奴至為偶人象郅都令

騎馳射莫能中其見憚如此匈奴患之竇太后乃竟中都
都以漢法景帝曰都忠臣欲釋之竇太后曰臨江王獨
非忠臣邪乎於是遂斬郅都也

寧甯成者南陽穰人也以郎謁者事景帝好氣為人小
少吏必陵其長吏為人上操下急如東涇潁滑猾賊任
威稍遷至濟南都尉而郅都為守始前數都尉皆步入
府因吏謁守如縣令其畏郅都如此及成性直陵凌都
出其上都素聞其聲於是善遇與結驩久之郅都死後

長安左右宗室多暴犯法於是上召寧成為中尉其治效邳都其廉弗如然宗室豪桀人皆人人惴恐武帝即位徙為內史外戚多毀成之短抵罪髡鉗是時九卿罪死即死少被刑而成刑極刑自以為不復收於是遇解脫詐刻傳出關歸家稱曰仕不至二千石賈不至千萬安可比人乎乃遇賞貸賣買陂田千餘頃假貧民役使數千家數年會赦致產數千萬金為任俠持吏長短出從數十騎其使民威重於郡守

周陽由者其父趙兼以淮南王舅父侯周陽故因姓周陽氏焉由以宗家任為郎事孝文及景帝景帝時由為郡守武帝即位吏治尚循修謹甚然由居二千石中最為暴酷驕恣所愛者撓法活之所憎者曲法誅滅之所居郡必夷其豪為守視都尉如今為都尉必陵太守奪之治與汲黯俱為校司馬安之文惡俱在二千石列同車未嘗敢均茵伏焉由後由為河東都尉時與其守勝屠公爭權相告言罪勝屠公當抵罪義議不受刑自殺

而由棄市自寧寧成周陽由之後事益多民巧法大抵吏之治類多成由等矣

趙禹者釐人也以佐史補中都官用廉為令史事太尉周亞夫亞夫為丞相禹為丞相史府中皆稱其廉平然亞夫弗任曰極知禹無害然文深不可以居大府今上武帝時禹以刀筆吏積勞稍遷為御史上以為能至太中大夫與張湯論定諸律令作見知吏傳得相監司用以法益刻蓋盡自此始

連下張湯傳內禹為人廉至官屬陰罪又連後嘗中廢至以壽

卒于家

結傳

張湯者杜陵人也其父為長安丞出湯為兒守舍還而鼠盜肉其父怒笞湯湯掘窟熏得盜鼠及餘肉劾鼠掠治傳爰書訊鞠論報并取鼠與肉具獄磔堂下其父見之視其文辭如老獄吏大驚遂使書獄父死後湯為長安吏久之周陽侯始為諸卿時嘗繫長安湯傾身為事之及出為侯大與湯交徧見湯貴人湯給事內史為寧寧成掾以湯為無害言太府調為茂陵尉治方中武安

侯為丞相徵湯為史時薦言之天子補侍御史使案事
治陳皇后巫蠱獄深竟黨與於是上以為能稍遷至太
中大夫與趙禹共定諸律令務在深文拘守職之吏已
而趙禹遷為中尉徙為至少府而張湯為廷尉兩人交
驩而兄事禹

漢書連下禹
志在奉公

禹為人廉倨裾為吏以來舍

毋無食客公卿相造請禹禹終不行報謝務在絕知友
賓客之請孤立行一意而已見文法輒取亦不覆案求

官屬陰罪

自禹為人廉已下至
此漢書入趙禹傳

禹志在奉公孤立而湯

為人多詐舞知以御人始為小吏乾沒與長安富賈田
甲魚翁叔之屬交私及列九卿收接天下名士大夫已
心內雖不合然陽浮慕道與之是時上方鄉文學湯決
大獄欲傳古義乃請博士弟子治尚書春秋補廷尉史
平亭疑法奏讞疑事必豫奏先為上分別其原上所是
受而著讞決法廷尉挈挈令揚主之明奏事即譴湯應
推謝鄉上意所便必引正監掾史賢者曰固為臣議如
此上責臣臣弗用愚抵於此罪常釋聞間即奏事上善

之曰臣非知為此奏乃迺正監掾史某所為之其欲薦吏揚人之善蔽解人之過如此所治即上意所欲罪臯予監史吏深禍刻者即上意所欲釋與予監史吏輕平者所治即豪必舞文巧詆即下戶羸弱時口言雖文致法上財裁察於是往往釋湯所言湯至于大吏內行修也交通賓客飲食於故人子弟為吏及貧昆弟調護之尤厚其造請諸公不避寒暑是以湯雖文深意思不專平然得此聲譽而深刻深吏多為爪牙用者依於文學

之士丞相弘數稱其美及治淮南衡山江都反獄皆窮
根本嚴助及伍被上欲釋之湯爭曰伍被本畫造反謀
而助親幸出入禁闥爪牙腹心之臣乃交私諸侯如此
弗誅後不可治於是上可論之其治獄所巧排大臣自
以為功多此類於縣是湯益尊任遷為御史大夫會渾
邪等降漢大興兵伐匈奴山東水旱貧民流徙皆仰仰
給縣官縣官空虛於是湯丞相上指請造白金及五銖
錢籠天下鹽鐵排富商大賈出告緡令鉏豪彊并兼之

家舞文巧詆以輔法湯每朝奏事語國家用日晏肝天子忘食丞相取充位天下事皆決於湯百姓不安其生騷動縣官所興未獲其利姦吏竝侵漁於是痛繩以罪鼻則自公卿以下至於庶人咸指湯湯嘗病天子上至自至舍視病其隆貴如此匈奴來請求和親羣臣議上前博士狄山曰和親便上問其便山曰兵者凶器未易數動高帝欲伐匈奴大困平城乃遂結和親孝惠高后時天下安樂及孝文帝欲事匈奴北邊蕭然苦兵矣孝

景時吳楚七國反景帝往來兩東宮間天下寒心者數月吳楚已破竟景帝不言兵天下富貴今自陛下舉興兵擊匈奴中國以空虛邊民大困貧由此是觀之不如和親上問湯湯曰此愚儒無知狄山曰臣固愚忠若御史大夫湯乃詐忠若湯之治淮南江都以深文痛詆諸侯別疏骨肉使藩臣不自安臣固知湯之為詐忠於是上作色曰吾使生居一郡能無使虜入盜乎山曰不能曰居一縣對曰不能復曰居一障間山自度辯窮且下

吏曰能於是上廼遣山乘障至月餘匈奴斬山頭而去
自是以後羣臣震懼警湯之客田甲雖賈人有賢操始
湯為小吏時與錢通及湯為大吏而甲所以責湯行義
過失亦有烈士之風湯為御史大夫七歲敗河東人李
文故嘗與湯有卻隙已而為御史中丞惠薦數從中文
書事有可以傷湯者不能為地湯有所愛史魯謁居知
湯不弗平使人上蜚飛變告文姦事下湯湯治論殺
文而湯心知謁居為之上問曰言變事蹤跡從迹安起

湯詳陽驚曰此殆文故人怨之謁居病卧閭里主人湯
自往視疾病為謁居摩足趙國以冶鑄為業王數訟鐵
官事湯常排趙王趙王求湯陰事謁居嘗案趙王趙王
怨之并上書告湯大臣也史謁居有病湯至為摩足疑
與為大姦事下廷尉謁居病死事連其弟弟繫導官湯
亦治他囚導官見謁居弟欲陰為之而詳陽不省謁居
弟弗不知而怨湯使人上書告湯與謁居謀共變告李
文事下減宣宣嘗與湯有郤隙及得此事窮竟其事未

奏也會人有盜發孝文園瘞錢丞相青翟朝與湯約俱
謝至前湯念獨丞相以四時行園當謝湯無與也不謝
丞相謝上使御史案其事湯欲致其文丞相見知丞相
患之三長史皆害湯欲陷之始長史朱買臣會稽人也
讀春秋莊助使人言買臣買臣以楚辭與助俱幸侍中
為太中大夫用事而湯乃為小吏跪伏使買臣等前已
而湯為廷尉治淮南獄排擠莊助買臣固心望及湯為
御史大夫買臣以會稽守為主爵都尉列於九卿數年

坐法廢守長史見湯湯坐牀上丞史遇買臣弗為禮買臣楚士深怨常欲死之素怨湯語在其傳王朝齊人也以術至右內史邊通學長短剛暴彊人也官再至濟南相故皆居湯右已而失官守長史誡體於湯湯數行丞相事知此三長史素貴常陵折之以故三長史合謀曰始湯約與君謝已而賣君今欲劾君以宗廟事此欲代君耳吾知湯陰事使吏捕案湯左田信等曰湯且欲奏為請奏信輒先知之居物致富與湯分之及他姦事事

辭頗聞上問湯曰吾所為賈人輒先知之益居其物是
類有以吾謀告之者湯不謝湯又詳陽驚曰固宜有減
宣亦奏謁居等事天子上果以湯懷詐面欺使使八輩
簿責湯湯具自道無此不服於是上使趙禹責湯禹至
讓湯曰君何不知分也君所治夷滅者幾何人矣今人
言君皆有狀天子重致君獄欲令君自為計何多以對
簿為湯乃迺為書謝曰湯無寸尺之功起刀筆吏陛下
幸致為位三公無以塞責然謀陷湯罪者三長史也遂

自殺湯死家產直不過五百金皆所得奉賜無他業
昆弟諸子欲厚葬湯湯母曰湯為天子大臣被汙惡言
而死何厚葬乎為載以牛車有棺而無槨天子上聞之
曰非此母不能生此子乃盡案誅三長史丞相青翟自
殺出田信上惜湯復稍遷進其子安世

漢書湯傳止此
下文接前官屬

陰罪至末
入趙禹傳

趙禹嘗中廢已而為廷尉始條侯以為禹賊

深弗任及禹為少府比九卿禹酷急至晚節事益多吏
務為嚴峻而禹治加緩而名為平王溫舒等後起治峻

酷於禹禹以老徙為燕相數歲諄亂悖有罪免歸後湯

十餘年以壽卒于家

漢書趙禹傳
後即接義縱

義縱者河東人也為少年時嘗常與張次公俱攻剽為
羣盜縱有姊姁以醫幸王太后王太后問有子兄弟為
官者乎姊曰有弟無行不可太后乃迺告上上拜義姁
弟縱為中郎補上黨郡中令治敢行往少蘊溫藉縣無
通事舉為第一遷為長陵及長安令直法行治不避貴
戚以捕案太后外孫脩成君子仲中上以為能遷為河

內都尉至則族滅其豪穰氏之屬河內道不拾遺而張
次公亦為郎以勇悍從軍敢深入有功封為岸頭侯寧
甯成家居上欲以為郡守御史大夫弘曰臣居山東為
小吏時寧甯成為濟南都尉其治如狼牧羊成不可使
令治民上迺拜成為關都尉歲餘關東吏稅隸郡國
出入關者號曰寧見乳虎無值直寧甯成之怒其暴如
此義縱自河內遷為南陽太守聞寧甯成家居南陽及
縱至關寧甯成側行送迎然縱氣盛弗為禮至郡遂案

按寧甯氏盡破碎其家成坐有罪及孔暴之屬皆奔
亡南陽吏民重足一迹而平氏朱彊杜衍杜周為縱爪
牙之吏任用遷為廷尉史軍數出定襄定襄吏民亂敗
於是徒縱為定襄太守縱至掩定襄獄中重罪輕繫二
百餘人及賓客昆弟私入相視者亦二百餘人縱一壺
切捕鞠曰為死罪解脫是日皆報殺四百餘人其後郡
中不寒而栗猾民佐吏為治是時趙禹張湯以深刻為
九卿矣然其治尚寬輔法而行而縱以鷹擊毛摯為治

後會更五銖錢白金起民為姦京師尤甚乃迺以縱為
右內史王溫舒為中尉溫舒至惡其所為不弗先言縱
縱必以氣凌陵之敗壞其功其治所誅殺甚多然取為
小治姦益不勝直指始出矣吏之治以斬殺縛束為務
閭奉以惡用矣縱薦其治放效郅都上幸鼎湖病久已
而卒起幸甘泉道多不治上怒曰縱以我為不復行此
道乎噍銜之至冬楊可方受告緡縱以為此亂民部吏
捕其為可使者天子聞使杜式治以為廢格沮事棄縱

市後一歲張湯亦死

王溫舒者陽陵人也少時椎埋為姦已而試補縣亭長數廢數為吏以治獄至廷尉史事張湯遷為御史督盜賊殺傷甚多稍遷至廣平都尉擇郡中豪敢任往吏十餘人以為爪牙皆把其陰重罪而縱使督盜賊快其意所欲得此人雖有百罪弗法即有避回因其事夷之亦滅宗以其故齊趙之郊盜賊不敢近廣平廣平聲為道不拾遺上聞遷為河內太守素居廣平時皆知河內豪

姦之家及往以九月而至令郡具私馬五十疋為驛自河內至長安部吏如居廣平時方略捕郡中豪猾郡中豪猾相連坐千餘家上書請大者至族小者乃死家盡沒入償贓奏行不過二三日得可事論報至流血十餘里河內皆怪其奏以為神速盡十二月郡中毋聲毋敢夜行野無犬吠之盜其頗不得失之旁郡國梨來追求會春溫舒頓足歎曰嗟乎令冬月益展一月足吾事矣其好殺伐行威不愛人如此天子上聞之以為能遷為

中尉其治復放河內徙諸名徒請召猜禍猾吏與從事
河內則楊皆麻戊關中楊贛成信等義縱為內史憚之
未敢恣治及縱死張湯敗後徙為廷尉而尹齊為中尉

坐法抵罪

連下楊僕傳內
溫舒復為中尉

尹齊者東郡茌平人也以刀筆吏稍遷至御史事張湯
張湯數稱以為廉武帝使督盜賊所斬伐不避貴戚執
遷為關內都尉聲甚于寧寗成上以為能遷拜為中尉
吏民益凋彫敵輕尹齊木強少文豪惡吏伏匿而善吏

不能為治以故事多廢抵罪上復徙溫舒為中尉後復

為淮陽都尉王溫舒敗

連下楊僕傳內
後數年病死

而楊僕以嚴酷

為主爵都尉

楊僕者宜陽人也以千夫為吏河南守案舉以為能遷

為御史使督盜賊關東治放尹齊以為敢摯擊行稍遷

至主爵都尉列九卿天子上以為能南越反拜為樓船

將軍有功封將梁侯東越反上欲復使將為其伐前勞

以書勅責之曰將軍之功獨有先破石門尋陘非有斬

將審旗之實也烏足以驕人哉前破番禺捕降者以為
虜掘死人以為獲是一過也建德呂嘉逆罪不容於天
下將軍擁精兵不窮追趙然以東越為援是二過也士
卒暴露連歲為朝會不置酒將軍不念其勤勞而造佞
巧請乘傳行塞因用歸家懷銀黃垂三組夸鄉里是三
過也失期內顧以道惡為解失尊尊之叙是四過也欲
請蜀刀問君賈幾何對曰率數百武庫日出兵而陽不
知挾偽干君是五過也受詔不至蘭池宮明日又不對

假令將軍之吏問之不對令之不從其罪何如推此心
以在外江海之間可得信乎今東越深入將軍能率衆
以掩過不僕惶恐對曰願盡死贖罪與王溫舒俱破東
越後復與左將軍荀彘俱擊朝鮮為荀彘所縛語在朝
鮮傳還免為庶人居久之病死

漢書楊僕傳止
此下起咸宣傳

而溫舒

復為中尉為人少文居廷宅惛惛不辯至於中尉則心
開督盜賊素習閩中俗知豪惡吏豪惡吏盡復為用為
方畧吏苛察盜賊淫惡少年投鉅購告言姦置伯格落

長以牧收司姦盜賊溫舒為人多調善事有勢執者即
無勢執者視之如奴有勢執家雖有姦如山弗犯無勢
執者雖貴戚必侵辱舞文巧詆請下戶之猾以焄動大
豪其治中尉如此姦猾窮治大抵氏盡靡爛獄中行論
無出者其爪牙吏虎而冠於是中尉部中中猾以下皆
伏有勢執者為游聲譽稱治治數歲其吏多以權貴富
溫舒擊東越還議有不中意者坐以小法抵罪免是時
天子上方欲作通天臺而末有人溫舒請覆中尉脫卒

得數萬人作上說拜為少府徒為右內史治如其故姦
邪少禁坐法失官復為右輔行中尉事如故操歲餘會
宛軍發詔徵豪吏溫舒匿其吏華成及人有變告溫舒
受員騎錢他姦利事罪至族自殺其時兩弟及兩婚家
亦各自坐他罪而族光祿勳徐自為曰悲夫夫古有三
族而王溫舒罪至同時而五族乎溫舒死家直累系千
金

漢書上溫舒傳止
此下起尹齊傳

後數歲年尹齊亦以淮陽都尉病

死家直不滿五十金所誅滅淮陽甚多及死仇家欲燒

其尸口妻亡去歸葬

漢書此段結上文尹齊傳後下起楊僕傳

自溫舒等以

惡為治而是時郡守都尉諸侯相二千石欲為治者其治大抵盡放效王溫舒等而吏民益輕犯法盜賊滋起南陽有梅免白百政楚有殷段中杜少齊有徐勃燕趙之間有堅盧范生主之屬大羣至數千人擅自號攻城邑取庫兵釋死罪縛辱郡太守都尉殺二千石為檄告縣趣趣具食小羣盜以百數掠鹵鄉里者不可勝稱數也於是天子上始使御史中丞丞相長史使督之猶弗

能禁也乃使光祿大夫范昆諸輔部都尉及故九卿張德等衣繡衣持節虎符發兵以興擊斬首大部或至萬餘級及以法誅通行飲食坐相連諸郡甚者數千入數歲乃迺頗得其渠率散卒失亡復聚黨阻山川者往往而羣居無可奈何於是作沈命法曰羣盜起不發覺發覺而弗捕弗滿品者二千石以下至小吏主者皆死其後小吏畏誅雖有盜不弗敢發恐不能得坐課累府府亦使其不言故盜賊寢多上下相為匿以文辭避文法

焉

漢書自是時郡守尉諸侯相以下入咸宣傳後

減宣者楊人也。以佐史無害給事河東守府衛將軍青。使買馬河東，見宣無害言，上徵為大厰丞。官事辦，稍遷至御史及中丞，使治主父偃及治淮南反獄，所以微文深詆殺者甚衆，稱為敢決疑數廢數起為御史及中丞者幾二十歲。王溫舒免為中尉，而宣為左內史，其治果鹽事，大小皆關其手。自部署縣名曹實實物官吏令丞不弗得擅，搃痛以重法繩之。居官數年，一壹切。郡中為

小治辦辯然獨宣以小致至大能因力自行之難以爲
經中廢爲右扶風坐怨怒其吏成信信亡藏臧上林中
宣使郿令將吏卒闌入上林中蠶室門攻亭格殺信吏
卒格信時射中上林苑門宣下吏詆罪以爲大逆當族
自殺而杜周任用

連上文楊僕傳內是時
郡守尉諸侯相二千石

杜周者南陽杜衍人也義縱爲南陽太守以周爲爪牙
舉薦之張湯爲廷尉史事張湯湯數言其無害至御史
使案邊失亡所論殺甚衆多奏事中上意任用與減宣

相編更為中丞者十餘歲其治與宣相放然周少言重
遲外寬而內深次骨宣為左內史周為廷尉其治大抵
放張湯而善候伺司上所欲擠者因而陷之上所欲釋
者久繫待問而微見其寃狀客有讓謂周曰君為天下
下決平不循三尺法專以入主意指為獄獄者固如是
乎周曰三尺安出哉前主所是著為律後主所是疏為
令當時為是何古之法乎至周為廷尉詔獄亦益多矣
二千石繫者新故相因不減百餘人郡吏大太府舉之

廷尉一歲至千餘章章大者連逮證案數百小者數十人遠者數千里近者數百里會獄吏因責如章告劾不服以笞掠笞定之於是聞有逮證皆亡匿獄久者至更數赦十有餘歲而相告言大抵氏盡詆以不道以上廷尉及中都官詔獄逮至六七萬人吏所增加十有餘萬餘人周中廢後為執金吾逐盜捕治桑弘羊衛皇后昆弟子刻深天子以上以為盡力無私遷為御史大夫家兩子夾河為守其治暴酷皆甚於王溫舒等矣始杜周初

微為廷史有一馬且不全及身久任事至列三公列而子孫尊官兩子夾河為郡守訾累數巨萬矣治皆酷暴唯少子延年行寬厚云

太史公贊曰自郅都以下杜周十人者此皆以酷烈為聲然郅都伉抗直引是非爭天下大體張湯以知陰陽阿邑人主與俱上下時數辯當否國家賴其便趙禹時據法守正杜周從諛以少言為重自張湯死後網罔密多詆嚴官事叢寢以耗廢九卿碌碌奉其官職救過

不瞻給何暇論繩墨之外乎自是以至哀平酷吏衆多
然莫足數此其知名見紀者也然此十人中其廉者足
以為儀表其污者足以為戒方畧教導道壹切禁姦止
邪一切亦皆彬彬質有其文武焉雖慘酷斯稱其位矣
湯周子孫貴盛故別傳至若蜀守馮當暴挫廣漢李貞
擅磔人東郡彌僕鋸項天水駱璧推減河東褚廣妄殺
京兆無忌馮翊殷周蝮驚水衡閭奉扑擊賣請何足數
哉何足數哉

班馬異同卷三十